



JUDICIAL SYSTEM MONITORING PROGRAMME
PROGRAMA MONITORIZASAUN BA SISTEMA JUDISIÁRIU

Sumáriu Kazu 2014
Tribunál Distritál Oe-Cusse
Outubru 2014

**Sumáriu prosesu julgamentu kazu iha Tribunál Distritál Oe-Cusse-Períodu
Outubru 2014**

Iha Outubru 2014, JSMP kontinua hala'o atividade monitorizasaun ba prosesu julgamentu kazu iha Tribunál Distritál Oe-Cusse. Durante periodu ne'e, JSMP konsege monitoriza kazu hamutuk 31 hosi kazu 36 ne'ebé tribunál refere marka agenda atu hala'o prosesu julgamentu.

Kazu 31 ne'e involve krime ofensa ba integridade fízika simples ho natureza violénsia doméstika 18, ofensa ba integridade fízika simples 5, danu simples 2, kondusaun sem karta 1, abuzu seksuál ba menór agravadu 1, koasaun seksuál 1, abuzu seksuál ba menór 1, koasaun seksuál agravadu 1 no tentativa violasaun seksuál 1.

Hosi kazu 31 ne'e, tribunál konklui ona prosesu ba kazu hamutuk 29 no kazu 2 sei iha prosesu nia laran.

Tuir mai deskripsaun sumáriu julgamentu kazu kompletu:

**1. Krime ofensa ba integridade fízika simples ho natureza violénsia doméstika - Nú.
Prosesu : 168/Krime/2014/TDO**

Kompozisaun Tribunál	: Singulár
Juis	: Dr. João Ribeiro
Ministériu Públiku	: Dr. Ambrosio Rangel Freitas
Defeza	: Dr. Calisto Tout
Konkluzaan	: Sei iha prosesu rekursu

Iha 08 Outubru 2014, Tribunál Distritál Oe-Cusse hala'o julgamentu ba arguidu MC ne'ebé komete krime ofensa ba integridade fízika simples hasoru SEC nu'udar nia oan. Kazu ne'e akontese iha 30 Abril 2014, iha Sub-distritu Passabe, Distritu Oe-Cusse.

Ministériu Públiku akuza katak iha 30 Abril 2014, maizumenus iha tuku 05:00 lorokraik, lezada ho nia kolega feto ida ba ku'u fore iha lezada sira nia to'os no hetan saku rua. Maibé fore saku

rua ne'e lezada fó tiha saku ida ba nia kolega ne'e. Tanba ne'e, arguidu hirus hodi basa dala rua iha lezada nia hasan loos.

Iha dader loron tuir mai, arguidu kontinua foti ai ida baku iha lezada nia kotuk laran no baku tan dala rua iha lezada nia hirus matan. Aktu hirak ne'e rezulta lezada sofre moras no bubu iha hirus matan, kotuk laran no hasan loos.

Ministériu Públiku akuza arguidu kontra artigu 145 Kódigu Penál kona-ba ofensa ba integridade fízika simples konjuga ho artigu 35 alinea (b) Lei Kontra Violénsia Doméstika.

Iha prosesu julgamentu arguidu konfesa katak nia baku duni lezada hanesan haktuir iha akuzasaun ministériu públiku. Maske nune'e, arguidu mós deklarara katak nia arrende ona ninia hahalok.

Iha parte seluk, lezada kontinua mantein ba faktu sira ne'ebé deskreve ona iha akuzasaun ministériu públiku nian.

Depois rona tiha arguidu no lezada sira nia deklarasaun, ministériu públiku husu ba tribunál atu altera artigu 145 Kódigu Penál kona-ba ofensa ba integridade fízika simples ba artigu 155 Kódigu Penál kona-ba maus tratus ba menór. Pedidu alterasaun ba artigu ne'e tanba ministériu públiku konsidera katak arguidu komete krime dala rua iha loron rua tutuir malu.

Maske nune'e, iha ikus tribunál decide atu kontinua mantein artigu 145 Kódigu Penál tanba tribunál konsidera katak arguidu iha razaun duni atu baku lezada tanba lezada loloos fo fore ho porsaun uitoan deit ba nia kolega la'os fo saku ida tomak.

Tanba tribunál kontinua mantein artigu 145 Kódigu Penál, nune'e ministériu públiku hasae rekursu ba Tribunál Rekursu relasiona ho artigu ne'e.

2. Kazu krime ofensa ba integridade fízika simples ho natureza violénsia doméstika - Nú. Prosesu : 169/krime/2014/TDO

Kompozisaun Tribunál	: Singulár
Juis	: Dr. João Ribeiro
Ministériu públiku	: Dr. Ambrosio Rangel Freitas
Defeza	: Dr. Afonso F. Gomes
Konkluzaan	: Kondena ho pena multa US\$90,00

Iha 08 Outubru 2014, Tribunál Distritál Oe-Cusse julga arguidu AP ne'ebé komete krime ofensa ba integridade fízika simples hasoru MCM nu'udar feen. Kazu ne'e akontese iha 10 Juñu 2014, iha Sub-distritu Pante-Makassar, Distritu Oe-Cusse.

Ministériu Públiku akuza katak iha 10 Juñu 2014, arguidu tuku dala rua iha lezada nia oin parte karuk no tuku dala tolu iha lezada nia ulun to'o lezada desmaia. Aktu ne'e akontese tanba arguidu buka remot TV ne'ebé lakon. Agressaun ne'e kauza lezada sofre moras no bubu iha oin no ulun.

Ministériu Públiku akuza arguidu kontra artigu 145 Kódigu Penál kona-ba ofensa ba integridade fízika simples konjuga ho artigu 35 alinea (b) Lei Kontra Violénsia Doméstika.

Iha prosesu julgamentu arguidu konfesa katak nia komete duni krime hasoru lezada hanesan haktuir iha akuzasaun ministériu públiku nian. Arguidu mós deklara katak nia arrepende ninia hahalok. Aleinde ne'e, lezada mós mantein faktus sira ne'ebé deskreve ona iha akuzasaun ministériu públiku nian.

Iha alegasaun finál, ministériu publikú husu ba tribunál atu kondena arguidu ho pena multa US\$75,00 ne'ebé kada loron arguidu sei selu US\$1,00. Entretantu, defeza husu tribunál atu kondena arguidu ho pena ne'ebé justu tanba arguidu hatudu nia arependimentu no konfesa faktu ne'ebé haktuir ona iha akuzasaun ministériu publikú.

Iha 16 Outubru 2014, tribunál konklui prosesu ne'e no kondena arguidu AP ho pena multa US\$ 90,00 ne'ebé sei selu US\$1,00 kada loron durante loron 90. Tribunál mós aplika pena alternativa durante loron 60 iha prizaun kuandu arguidu la selu pena multa refere.

3. Kazu krime ofensa ba integridade fízika simples ho natureza violénsia doméstika - Nú. Prosesu : 170/krime/2014/TDO

Kompozisaun Tribunál	: Singulár
Juis	: Dr. João Ribeiro
Ministériu Públiku	: Dr. Ambrosio Rangel Freitas
Defeza	: Dr. Calisto Tout no John N'Dun
Konkluzau	: Kondena ho pena multa US\$120,00

Iha 08 Outubru 2014, Tribunál Distritál Oe-Cusse, hala'o julgamentu ba arguidu SO ne'ebé involve iha krime ofensa ba integridade fízika simples hasoru AB nu'udar feen. Kazu ne'e akontese iha 04 Jullu 2014, iha Sub-distritu Nitibe, Distritu Oe-Cusse.

Ministériu Públiku akuza katak iha 04 Jullu 2014, arguidu tuku dala haat iha lezada nia kanotak no rezulta lezada sofre moras iha nia kanotak. Kazu ne'e akontese tanba lezada ho arguidu istoria malu kona-ba arguidu atu fila fali ba iha serimónia kultura nian hodi hemu tua ne'ebé antes ne'e arguidu no lezada mak partisipa hamutuk.

Ministériu Públiku akuza arguidu kontra artigu 145 Kódigu Penál kona-ba ofensa ba integridade fízika simples konjuga ho artigu 35 alineaia (b) Lei Kontra Violénsia Doméstika.

Iha prosesu julgamentu arguidu uza direitu nonok maibé depois tribunál husu ba arguidu tanba sa hakarak uza direitu nonok, arguidu deklara katak nia uza direitu nonok tanba faktus hosi akuzasaun ministériu públiku loos hotu. Aleinde ne'e, lezada mós mantein faktus sira ne'ebé deskreve ona iha akuzasaun ministériu públiku nian.

Iha alegasaun finál, ministériu publikú husu ba tribunál atu kondena arguidu ho pena prizaun tinan 1 suspende ba tinan 1 fulan 6 tanba arguidu konfesa katak nia komete duni krime hasoru lezada.

Entretantu, defeza husu ba tribunál atu aplika pena ne'ebé adekua ba arguidu tanba arguidu hatudu nia arependimentu no konfesa faktus sira ne'ebé haktuir ona iha akuzasaun ministériu publikú.

Iha 16 Outubru 2014, tribunál konklui prosesu ne'e no kondena arguidu SO ho pena multa US\$120,00 ne'ebé kada loran sei selu US\$1,00 durante loran 120. Tribunál mós aplika pena alternativa durante loran 80 iha prizaun, kuandu arguidu la selu pena multa refere.

4. Kazu krime danu simples - Nú. Prosesu : 171/krime/2014/TDO

Kompozisaun Tribunál	: Singulár
Juis	: Dr. João Ribeiro
Ministériu Públiku	: Dr. Ambrosio Rangel Freitas
Defeza	: Dr. Calisto Tout
Konkluzau	: Omologa

Iha 08 Outubru 2014, Tribunál Distritál Oe-Cusse hala'o prosesu tentativa konsiliaun ba kazu danu simples ne'ebé involve arguidu SE hasoru MP. Kazu ne'e akontese iha 09 Abril 2014, iha Suco Costa, Sub-distritu Pante-Makasar, Distritu Oe-Cusse.

Ministériu Públiku akuza katak iha 09 Abril 2014, arguidu taa mate tiha lezadu nia karau inan ida besik to'os arguidu nian. Karau ne'e tama ba iha arguidu nia to'os no estraga arguidu nia fore, batar no aifarina. Iha momentu ne'eba, lezadu hakarak atu selu fali prejuizu ne'ebé arguidu

hetan tanba karau han ona nia to'os. Maibé arguidu lakohi no taa mate lezadu nia karau. Karau ne'e maisumenus ho folin US\$450,00.

Relasiona ho aktu ne'e, ministériu públiku akuza arguidu kontra artigu 258 Kódigu Penál kona-ba danu simples.

Iha prosesu julgamentu arguidu konfesa ninia hahalok no promete atu rejolve kazu ne'e tuir kustume timor nian no fó fila fali karau ho alin rua ba lezadu. Lezadu mós konkorda ho promessa arguidu nian, nune'e lezadu deziste fali kazu ne'e.

Bazeia ba pedidu dezistencia ne'e, ikus-mai tribunál omologa prosesu ne'e no absolve arguidu hosi krime danu simples.

5. Kazu krime abuzu seksuál ba menór agravadu - Nú. Prosesu : 73/crime/2014/TDO

Kompozisaun Tribunál	: Koletivu
Juis	: Dr. João Ribeiro, Dra. Zumiaty M. Freitas no Dra. Francisca Cabral
Ministériu Públiku	: Dr. Ambrosio Rangel Freitas
Defeza	: Dr. Afonso Fatima Gomes no Dr. Jhon N'Dun
Konkluzau	: Kondena ho pena prizaun tinan 10

Iha 09 Outubru 2014, Tribunál Distritál Oe-Cusse, prezide leitura akordaun ba kazu krime abuzu seksuál ba menór ne'ebé komete hosi ZL hasoru AMS ne'ebé sei ho idade tinan tolu. Kazu ne'e akontese iha 02 Feveireiru 2014, iha Sub-distritu Pante-Makassar, Distritu Oe-Cusse.

Antes ne'e, ministériu públiku akuza katak iha 02 Feveireiru 2014, arguidu lori foos ho na'an fahi ba iha lezada nia uma atu fó ba lezada nia inan no aman. Momentu ne'ebá lezada nia inan fase hela bikan iha kotuk no kolia hela ho nia laen iha Dili liuhosi telefone. Iha tempu hanesan lezada haris no halimar hela bee ho isin-molik. Hafoin lezada nia inan koalia hotu ho nia laen no atu ba foti rupa foer iha kuartu laran, lezada nia inan hateke ba kuartu sorin, arguidu toba hela iha lezada nia leten. Lezada nia inan hakilar ho lian makas nune'e arguidu tauk no halai sai hosi kuartu laran. Aktu ne'e rezulta lezada sofre kanek iha orgaun seksuál.

Ministériu públiku akuza arguidu kontra artigu 177 Kódigu Penál kona-ba abuzu seksuál ba menór konjuga ho artigu 182 alinea (a) kona-ba agravaun.

Durante prosesu julgamentu arguidu konfesa integralmente ba faktus sira ne'ebé ministériu públiku akuza ba arguidu. Tanba ne'e tribunál, deside atu la persiza rona deklarasaun hosi testemuña ne'ebé mós hanesan lezada nia inan.

Iha alegasaun finál hosi ministériu públiku husu pena tinan 10 prizaun, entretantu parte defeza husu ba tribunál atu fo justisa ba arguidu.

Bazeia ba prosesu hirak ne'e, tribunál prova katak arguidu komete duni krime abuzu seksuál hasoru menór tuir saida mak haktuir ona iha akuzasaun. Tanba ne'e tribunál konklui prosesu kazu ne'e no kondena arguidu ho pena prizaun tinan 10.

6. Kazu krime danu simples - Nú. Prosesu : 173/krime/2014/TDO

Kompozisaun Tribunál	: Singulár
Juis	: Dr. João Ribeiro
Ministériu públiku	: Dr. Ambrosio Rangel Freitas
Defeza	: Dr. Afonso F. Gomes
Konkluzau	: Absolve

Iha 09 Outubru 2014, Tribunál Distritál Oe-Cusse julga arguidu AG ne'ebé komete krime danu simples hasoru DC. Kazu ne'e akontese iha 26 Marsu 2013, iha Bairro Nunheun, Sub-distritu Pante-Makassar, Distritu Oe-Cusse.

Ministériu Públiku akuza katak iha 26 Marsu 2014, arguidu taa kanek tiha lezadu nia karau baka ida nia kelen maizumenus to'o 1,2 cm. Kazu ne'e akontese tanba lezadu nia karau toba iha arguidu nia hare leten no halo a'at arguidu nia hare.

Ministériu Públiku akuza arguidu kontra artigu 258 Kódigu Penál kona-ba danu simples ne'ebé bele hetan kastigu entre tinan 3 prizaun ka multa.

Iha prosesu julgamentu arguidu konfesa faktu sira ne'ebé akuza ba nia no deklara katak nia arrepende ba ninia hahalok. Aleinde ne'e, lezadu mós kontinua mantein faktus sira ne'ebé deskreve ona iha akuzasaun ministériu públiku nian.

Iha alegasaun finál, ministériu publikú husu ba tribunál atu kondena arguidu ho pena efetiva tinan ida iha prizaun. Alegasaun pena efetiva ne'e, tanba antes ida ne'e arguidu komete ona krime seluk no seidauk kumpri hotu pena multa US\$60,00 ne'ebé tribunál kondena ona ba arguidu iha tinan 2013.

Entretantu, defeza husu ba tribunál atu aplika pena ne'ebé justu tanba arguidu hatudu nia arependimentu no konfesa faktu ne'ebé ministériu públiku akuza ba nia.

Iha 22 Outubru 2014, bazeia ba faktus ne'ebé produs durante prosesu julgamentu katak lezadu nia karau hetan kanek ki'ik no ba kanek ne'e lezadu lakon deit osan US\$10,00 hodi kura karau

refere. Tanba ne'e tribunál konklui prosesu ne'e no absolve arguidu hosi akuzasaun ministériu públiku.

7. Kazu krime ofensa ba integridade fízika simples - Nú. Prosesu : 174/krime/2014/TDO

Kompozisaun Tribunál : Singulár
Juis : Dr. João Ribeiro
Ministériu públiku : Dr. Amrosio Rangel Freitas
Defeza : Dr. Afonso F. Gomes
Konkluzau : Omologu

Iha 09 Outubru 2014, Tribunál Distritál Oe-Cusse, omologa kazu krime ofensa ba integridade fízika simples ne'ebé involve arguida TT hasoru lezada LF. Kazu ne'e akontese iha 22 Juñu 2014, iha Suku Taiboco, Sub-distritu Pante-Makassar, Distritu Oe-Cusse.

Tribunál omologa kazu ne'e tanba arguida promote katak nia sei la repete tan hahalok hanesan iha futuru. Tanba ne'e lezada deziste tiha prosesu kazu ne'e.

Ministériu Públiku akuza katak iha 22 Juñu 2014, arguida tuku dala rua iha lezada nia kanuruk no kauza lezada hetan bubu. Kazu ne'e akontese tanba lezada ba partisipa iha arguida nia serimonia inagurasaun uma nian maske la hetan konvite. Iha momentu ne'eba lezada hemu tua no kolia barak ho lian makas.

Ministériu Públiku akuza arguidu kontra artigu 145 Kódigu Penál kona-ba ofensa ba integridade fízika simples.

Iha tribunál, arguida konfesa ninia hahalok no promote sei la repete tan iha futuru. Lezada mós konkorda ho arguida nia promesa nune'e decide atu deziste tiha kazu ne'e.

Tanba parte sira konkorda atu dada fali kazu ne'e, iha alegasaun finál ministériu públiku no defeza husu ba tribunál omologa prosesu ne'e no bazeia prosesu ne'e, tribunál konklui no omolaga arguida hosi akuzasaun ministériu públiku nian.

8. Kazu krime ofensa ba integridade fízika simples ho natureza violénsia doméstika - Nú. Prosesu : 05/sumáriu/2014/TDO

Kompozisaun Tribunál : Singulár
Juis : Dr. João Ribeiro
Ministériu Públiku : Dr. Ambrosio Rangel Freitas

Defeza : Dr. Afonso F. Gomes
Konkluzan : Kondena ho pena prizaun tinan 1 suspende ba tinan 1 fulan 6

Iha 09 Outubru 2014, Tribunál Distritál Oe-Cusse julga arguidu JK ne'ebé komete krime ofensa ba integridade fízika simples hasoru FS nu'udar nia feen. Kazu ne'e akontese iha 07 Outubru 2014, iha Sub-distritu Pante-Makassar, Distritu Oe-Cusse.

Ministériu Públiku akuza katak iha 07 Outubru 2014, arguidu lori ai sona makas iha lezada nia matan karuk no rezulta lezada nia matan kanek, ran sai no matan la bele loke. Agora daudaun lezada hare hodi matan sorin los de'it. Aktu ne'e akontese tanba lezada la tein ba arguidu.

Ministériu Públiku akuza arguidu kontra artigu 145 Kódigu Penál kona-ba ofensa ba integridade fízika simples konjuga ho artigu 35 alinea (b) Lei Kontra Violénsia Doméstika.

Iha prosesu julgamentu arguidu konfesa faktu sira ne'ebé ministériu públiku akuza hasoru nia no deklarata katak nia arrepende ba ninia hahalok. Alende ne'e, lezada mós kontinua konfirm faktu sira iha akuzasaun ministériu públiku nian.

Iha alegasaun finál, ministériu publikú husu ba tribunál atu kondena arguidu ho pena prizaun tinan ida suspende ba tinan rua tanba arguidu provadu komete krime ne'ebé ministériu publikú akuza ba nia.

Entretantu, defeza husu ba tribunál atu aplika pena ne'ebé justu tanba hare ba sirkunstansia atenuantes sira hanesan arguidu hatudu nia arependimentu no konfesa faktus ne'ebé ministériu públiku akuza hasoru nia.

Depois avalia faktu no argumentu legal hosi parte sira, tribunál konklui prosesu ne'e no kondena arguidu ho pena prizaun tinan 1 suspende ba tinan 1 fulan 6.

9. Kazu krime koasaun seksuál - Nú. Prosesu : 105 /krime/2014/TDO

Kompozisaun Tribunál : Koletivu
Juis : Dr. João Ribeiro, Dra. Zumiatu M.F. no Dra. Francisca Cabral
Ministériu Públiku : Dr. Ambrosio Rangel Freitas
Defeza : Dr. Afonso Fatima Gomes no Dr. Jhon N'Dun
Konkluzan : Absolve

Iha 10 Outubru 2014, Tribunál Distritál Oe-Cusse prezide leitura akordaun ba kazu krime koasaun seksuál ne'ebé involve arguidu NS hasoru lezada AC. Kazu ne'e akontese iha 12 Feveireiru 2014, iha Sub-distritu Pante-Makassar, Distritu Oe-Cusse.

Depois avalia ba faktu sira ne'ebé produz durante julgamentu hotu, tribunál konklui absolve arguidu tanba tribunál la hetan prova suficiente atu kondena arguidu. Tribunál konsidera katak arguidu no lezada iha relasaun namora.

Desizaun ne'e bazeia ba deklarasaun hosi arguidu no lezada katak iha momentu ne'eba sira iha duni relasaun nu'udar namora.

Antes ne'e, ministériu públiku akuza katak iha 12 Feveireiru 2014, arguidu rei no kaer lezada ninia isin lolon. Iha momentu akontese arguidu no lezada iha relasaun namoru.

Ministériu Públiku akuza arguidu kontra artigu 171 Kódigu Penál kona-ba krime koasaun seksuál. Tanba julgamentu ne'e taka ba públiku, JSMP la konsege rekolla informasaun kona-ba deklarasaun hosi parte sira, testemuña no alegasaun finál.

10. Kazu krime abuzu seksuál ba menór- Nú. Prosesu : 110 /crime/2014/TDO

Kompozisaun Tribunál	: Koletivu
Juis	: Dr. João Ribeiro, Dra. Zumiatu M. F. no Dra. Francisca Cabral
Ministériu Públiku	: Dr. Ambrosio Rangel Freitas
Defeza	: Dr. CalistoTout, Dr. Afonso F. Gomes no Dr. Jhon N'Dun
Konkluzau	: Absolve

Iha 10 Outubru 2014, Tribunál Distritál Oe-Cusse prezide leitura akordaun ba kazu krime abuzu seksuál ba menór ne'ebé komete hosi AS hasoru MC ne'ebé sei ho tinan 15. Kazu ne'e akontese iha 01 Janeiro 2012, iha Sub-distritu Nitibe, Distritu Oe-Cusse.

Antes ne'e, ministériu públiku akuza katak iha 01 Janeiro 2012, arguidu ba iha lezada ninia uma no halo relasaun seksuál ho lezada. Iha momentu ne'ebá lezada ninia inan no aman ba tiha misa tinan foun 2012 no uma mamuk. Aktu refere rezulta lezada isin rua no partu oan mane ida.

Antes ne'e, ministériu públiku akuza arguidu kontra artigu 177 Kódigu Penál kona-ba abuzu seksuál ba menór.

Depois tribunál hala'o prosesu julgamentu, tribunál hala'o inspesaun ba iha Parokia Boknana no identifika sertidaun baptismu hosi lezada nian no hatudu katak lezada moris iha tinan 1994 ne'ebé la'os ona tama ba kategoria minoridade tanba lezada atinze ona tinan 20.

Iha alegasaun finál, ministériu públiku husu ba tribunál atu aplika justisa ne'ebé justu ba arguidu. Entretantu parte defeza husu ba tribunál atu absolve arguidu hosi akuzasaun ministériu públiku ninian.

Depois avalia ba faktu sira ne'ebé produs durante prosesu julgamentu, tribunál absolve arguidu tanba, bazeia ba sertidaun baptismu lezada nian hatudu katak lezada moris iha 1994 ne'ebé atinze ona tinan 20.

11. Kazu krime koasaun seksuál agravadu - Nú. Prosesu : 128 /crime/2014/TDO

Kompozisaun Tribunál : Koletivu
Juis : Dr. João Ribeiro, Dra. Zumiaty M. Freitas no Dra. Francisca Cabral
Ministériu Públiku : Dr. Ambrosio Rangel Freitas
Defeza : Dr. Calisto Tout, Dr. Afonso Fatima Gomes
Konkluzau : Kondena ho pena prizaun tinan 4

Iha 10 Outubru 2014, Tribunál Distritál Oe-Cusse prezide julgamentu leitura akordaun ba kazu krime koasaun seksuál ne'ebé komete hosi arguidu AS hanesan ofisial seguransa iha Ospitál Referal Distritu Oe-Cusse hasoru MRL. Kazu ne'e akontese iha 24 Marsu 2013, iha Sub-distritu Pante-Makassar, Distritu Oe-Cusse.

Tribunál prova katak arguidu kontra artigu 179 Kódigu Penál kona-ba abuzu seksuál ba ema ne'ebé la bele reziste tanba iha momentu ne'eba laiha forsa atu kontra arguidu.

Ministériu Públiku akuza katak iha 24 Marsu 2013, wainhira lezada hakilar atu partu, arguidu hatama nia liman ba iha lezada nia lipa laran no kaer lezada nia orgaun seksuál durante oras ida. Iha momentu ne'eba doutor sira sei atende pasiente seluk nune'e arguidu mak akompaña lezada ba to'o iha fatin partu iha Ospitál Referal Distritu Oe-Cusse. Kazu ne'e akontese wainhira lezada nia inan fila fali ba uma hodi foti livru partus nian.

Antes ne'e, ministériu públiku akuza arguidu kontra artigu 171 kona-ba koasaun seksuál no 173 Kódigu Penál kona-ba agravaun.

Iha audiensia julgamentu arguidu konfesa faktu sira ne'ebé akuza ba nia no deklara katak nia arrepende ninia hahalok. Alende ne'e, lezada mós kontinua reforsa faktu sira ne'ebé haktuir ona iha akuzasau ministeriu públiku nian.

Depoisde avalia faktu sira ne'ebé produz durante julgamentu, tribunál altera aktu krime hosi artigu 171 no 173 Kódigu Penál ba fali iha artigu 179 Kódigu Penál kona-ba abuzu seksuál ba ema ne'ebé la bele reziste. Tanba ne'e tribunál konklui prosesu ne'e no kondena arguidu ho pena prizaun tinan 4.

12. Kazu krime ofensa ba integridade física simples ho natureza violénsia doméstika - Nú. Prosesu : 176/krime/2014/TDO

Kompozisaun Tribunál : Singulár

Juis : Dr. João Ribeiro
Ministériu públiku : Dr. Ambrosio Rangel Freitas
Defeza : Dr. Calisto Tout
Konkluzau : Kondena ho pena multa US\$90,00

Iha 13 Outubru 2014, Tribunál Distritál Oe-Cusse julga arguida AR (membru PNTL) ne'ebé komete krime ofensa ba integridade fízika simples hasoru AF nu'udar arguida nia laen ne'ebé mós nu'udar membru PNTL. Kazu ne'e akontese iha 15 Junhu 2014, iha Sub-distritu Pante-Makassar, Distritu Oe-Cusse.

Ministériu Públiku akuza katak iha 15 Juñu 2014, arguida basa dala ida iha lezadu nia hasan karuk no rezulta lezadu sofre moras. Kazu ne'e akontese tanba lezadu koalia liuhosi telefone ho fetu ida no wainhira arguida husu klarifikasaun, lezadu la fo resposta tanba ne'e arguida diskunfia no nervoza hodi basa lezadu.

Ministériu Públiku akuza arguida kontra artigu 145 Kódigu Penál kona-ba ofensa ba integridade fízika simples konjuga ho artigu 35 alinea (b) Lei Kontra Violénsia Doméstika.

Iha prosesu julgamentu arguida konfesa faktu sira ne'ebé ministériu públiku akuza ba nia no deklarata katak nia arrepende ba ninia hahalok. Alende ne'e, lezadu kontinua mantein ba faktus sira ne'ebé deskreve ona iha akuzasaun ministériu públiku nian.

Iha alegasaun finál, ministériu públiku husu ba tribunál atu kondena arguidu ho pena multa US\$100,00 ne'ebé sei selu US\$ 1,00 kada lora too kompleta. Entretantu, defeza husu ba tribunál atu kondena tuir arguida nia kulpa tanba arguida hatudu nia arependimentu no konfesa faktu sira ne'ebé haktuir iha akuzasaun ministériu públiku nian.

Iha 13 Outubru 2014, tribunál konklui prosesu ne'e no kondena arguida ho pena multa US\$ 90,00 ne'ebé sei selu US\$1,00 kada lora durante lora 90. Tribunál mós aplika pena alternativa lora 60 iha prizaun kuandu arguida la selu pena multa refere.

13. Kazu krime ofensa ba integridade fízika simples ho natureza violénsia doméstika - Nú. Prosesu : 186/krime/2014/TDO

Kompozisaun Tribunál : Singulár
Juis : Dr. João Ribeiro
Ministériu Públiku : Dr. Ambrosio Rangel Freitas
Defeza : Dr. Afonso F. Gomes (DP), Dr. John N'Dun & Dr. Tomas Fraz (AP)
Konkluzau : Kondena ho pena prizaun fulan 4 suspende ba fulan 6

Iha 13 Outubru 2014, Tribunál Distritál Oe-Cusse julga arguidu JA ne'ebé komete krime ofensa ba integridade fízika simples hasoru EA nu'udar nia feen. Kazu ne'e akontese iha 20 Janeiru 2014, iha Sub-distritu Pante-Makassar, Distritu Oe-Cusse.

Ministériu Públiku akuza katak iha 20 Janeiru 2014, arguidu buti lezada nia kakorok too kleur no rezulta lezada sofre moras no kakorok mean. Kazu ne'e akontese tanba lezada lakohi ba hamutuk ho arguidu hodi sunu lilin iha rate.

Ministériu Públiku akuza arguidu kontra artigu 145 Kódigu Penál kona-ba ofensa ba integridade fízika simples konjuga ho artigu 35 Lei Kontra Violénsia Doméstika.

Iha prosesu julgamentu arguidu konfesa faktu sira ne'ebé akuza ba nia no deklara katak nia arrepende ninia hahalok. Nune'e mós lezada kontinua mantein faktu sira ne'ebé deskreve ona iha akuzasaun ministériu públiku.

Iha alegasaun finál, ministériu publikú husu ba tribunál atu kondena arguidu ho pena prizaun fulan 3 suspende ba fulan 6 tanba arguidu provadu komete krime ne'ebé ministériu públikú akuza ba nia. Entretantu, defeza husu ba tribunál atu kondena tuir arguidu nia kulpa tanba arguidu hatudu nia arependimentu no konfesa faktu ne'ebé haktuir ona iha akuzasaun ministériu públiku ninian.

Depois avalia faktu sira hosi kazu ne'e, tribunál konklui prosesu kazu ne'e no kondena arguidu ho pena prizaun fulan 4 suspende ba fulan 6.

14. Kazu krime tentativa violasaun seksuál - Nú. Prosesu : 139/crime/2014/TDO

Kompozisaun Tribunál	: Koletivu
Juis	: Dr. João Ribeiro, Dra. Zumiatu M.F. no Dra. Francisca Cabral
Ministériu públiku	: Dr. Ambrosio Rangel Freitas
Defeza	: Dr. Calisto Tout no Dr. Afonso Fatima Gomes
Konkluzau	: Kondena ho pena prizaun tinan 3 suspende ba tinan 5

Iha 13 Outubru 2014, Tribunál Distritál Oe-Cusse prezide julgamentu leitura akordaun ba kazu krime tentativa violasaun seksuál ne'ebé komete hosi arguidu LF hasoru lezada VT. Kazu ne'e akontese iha 04 Marsu 2014, iha Sub-distritu Pante-Makassar, Distritu Oe-Cusse.

Tribunál konklui prosesu kazu ne'e no kondena arguidu ho pena prizaun tinan 3 suspende ba tinan 5 tanba tribunál prova katak arguidu komete duni krime tentativa violasaun seksuál hasoru lezada.

Antes ne'e, ministériu públiku akuza katak iha 04 Marsu 2014, wainhira lezada ba kuru bee iha bee matan ne'ebé nia distansia dook hosi uma. Iha momentu ne'eba, arguidu lori lezada tama ba iha hudi laran ho intensaun atu halo relasaun seksuál hasoru lezada maibé la konsege tanba lezada hakilar no efora a'an no hases a'an hosi arguidu.

Ministériu Públiku akuza arguidu kontraartigu 172, artigu 23 Kódigu Penál kona-ba tentativa violasaun seksuál.

Iha audiensia julgamentu arguidu konfesa no deklara katak nia sei la repete tan ninia hahalok hanesan ne'e iha futuro.

15. Kazu krime ofensa ba integridade fízika simples ho natureza violénsia doméstika - Nú. Prosesu : 185/krime/2014/TDO

Kompozisaun Tribunál : Singulár
Juis : Dr. João Ribeiro
Ministériu Públiku : Dr. Ambrosio Rangel Freitas
Defeza : Dr. Afonso F. Gomes
Konkluzaan : Kondena ho pena prizaun fulan 9 suspende ba tinan 1

Iha 14 Outubru 2014, Tribunál Distritál Oe-Cusse julga arguidu AKA ne'ebé komete krime ofensa ba integridade fízika simples hasoru JS nu'udar nia feen. Kazu ne'e akontese iha 27 Abril 2014, iha Sub-distritu Pante-Makassar, Distritu Oe-Cusse.

Ministériu Públiku akuza katak iha 27 Abril 2014, arguidu basa dala rua iha lezada nia hasan karuk no rezulta lezada sofre moras. Motivu hosi akontesimentu tanba lezada hirus arguidu ba hemu tua iha viziñu nia uma.

Ministériu Públiku akuza arguidu kontra artigu 145 Kódigu Penál kona-ba ofensa ba integridade fízika simples konjuga ho artigu 35 Lei Kontra Violénsia Doméstika.

Iha prosesu julgamentu arguidu konfesa faktu sira ne'ebé akuza ba nia no deklara katak nia arrende ba ninia hahalok. Alende ne'e, lezada mós kontinua mantein faktu sira ne'ebé deskreve ona iha akuzasaun ministériu públiku nian.

Iha alegasaun finál, ministériu publikú husu ba tribunál atu kondena arguidu ho pena prizaun fulan 3 suspende ba fulan 6. Entretantu, defeza husu atu tribunál aplika pena ne'ebé justu tuir sirkunstansia atenuante sira hanesan arguidu hatudu nia arependimentu no konfesa faktu ne'ebé haktuir ona iha akuzasaun ministériu públiku.

Iha 14 Outubru 2014, tribunál konklui prosesu kazu ne'e no kondena arguidu ho pena prizaun fulan 9 suspende ba tinan 1.

16. Kazu krime ofensa ba integridade fízika simples - Nú. Prosesu : 191/krime/2014/TDO

Kompozisaun Tribunál : Singulár
Juis : Dr. João Ribeiro
Ministériu públiku : Dr. Ambrosio Rangel Freitas
Defeza : Dr. Afonso F. Gomes
Konkluzau : Absolve

Iha 14 Outubru 2014, Tribunál Distritál Oe-Cusse julga arguidu AU ne'ebé komete krime ofensa ba integridade fízika simples hasoru RS nu'udar nia namorada. Kazu ne'e akontese iha 13 Februari 2014, iha Sub-distritu Passabe, Distritu Oe-Cusse.

Ministériu Públiku akuza katak iha 13 Fevreiro 2014, arguidu tuku dala ida iha lezada nia ibun no rezulta lezada sofre moras iha ibun. Kazu ne'e akontese tanba lezada lakohi atu namora subar, lezada hakarak arguidu tenki ba apresenta an iha lezada nia uma tanba ne'e arguidu la simu hodi baku lezada.

Ministériu Públiku akuza arguidu kontra artigu 145 Kódigu Penál kona-ba ofensa ba integridade fízika simples.

Durante prosesu julgamentu arguidu nega faktu sira ne'ebé ministériu públiku akuza ba nia no deklarata katak tempu ne'eba nia ho nia alin nain rua hamutuk ho xefe aldeia ba iha lezada ninia uma atu rezolve sira nia problema, maibé família lezada lakohi. Tanba ne'e mak halo arguidu nervozu no tuku lezada nia aman dala ida iha ibun la'os baku lezada.

Entretantu lezada mantein faktus sira ne'ebé deskreve ona iha akuzasaun ministériu públiku nian no tanba ne'e lezada husu ba tribunál atu kondena arguidu selu US\$500,00 ba krime ne'ebé mak nia komete.

Testemuña MU ne'ebé ministériu públiku apresenta depoimenta katak iha tempu ne'eba nia mak hafahe arguidu no lezada nia aman ne'ebé baku malu no hare katak arguidu tuku duni lezada nia aman maibé kona-ba faktus hosi akuzasaun ne'ebé hateten katak lezada hetan tuku hosi arguidu, testemuña lahatene.

Testemuña ES nu'udar xefe aldeia deklarata katak iha tempu ne'eba sira ba atu rezolve problema entre arguidu no lezada atu la namora subar iha lezada nia uma. Wainhira to'o iha ne'eba lezada nia maun simu hasoru arguidu ho tuku dala 1 iha kanuruk. Arguidu tenta atu tuku hasoru lezada nia maun maibé la kona tanba nia ses tiha nune'e kona fali iha lezada nia aman iha ibun. Kona-ba lezada hetan tuku hosi arguidu testemuña depoimentu katak nia mós la hare.

Iha alegasaun finál, ministériu publikú husu ba tribunál atu antes foti desizaun, tetu uluk faktu sira ne'ebé mak produs iha prosesu julgamentu laran. Entretantu, defeza husu atu absolve arguidu tanba bazeia ba arguidu nia deklarasaun katak nia la baku lezada.

Depois avalia faktu sira ne'ebé produs durante julgamentu, tribunál konklui prosesu ne'e no absolve arguidu hosi akuzasaun ministériu públiku.

17. Kazu krime ofensa ba integridade fízika simples - Nú. Prosesu : 188/krime/2014/TDO

Kompozisaun Tribunál : Singulár
Juis : Dr. João Ribeiro
Ministériu públiku : Dr. Ambrosio Rangel Freitas
Defeza : Dr. Calisto Tout
Konkluzau : Kondena ho pena prizaun fulan 9 suspende ba tinan 1

Iha 15 Outubru 2014, Tribunál Distritál Oe-Cusse julga arguidu ASN ne'ebé komete krime ofensa ba integridade fízika simples hasoru FN nu'udar nia feton. Kazu ne'e akontese iha 19 Juñu 2014, iha Bairo Noque Sub-Distritu Pante-Makassar Distritu Oe-Cusse.

Ministériu Públiku akuza katak iha 19 Juñu 2014, arguidu buti lezada nia kakorok, sama lezada nia kanotak dala ida no lori au baku dala rua iha lezada nia kanotak. Aleinde ne'e arguidu baku tan dala rua iha lezada nia kotuk laran no rezulta lezada sofre moras. Kazu ne'e akontese tanba arguidu ba iha lezada nia uma no duni lezada hosi uma. Uma ne'ebé lezada hela ba hanesan uma ne'ebé mai hosi programa MDG's. Antes ne'e, arguidu no lezada iha problema privadu entre sira.

Ministériu Públiku akuza arguidu kontra artigu 145 Kódigu Penál kona-ba ofensa ba integridade fízika simples.

Iha prosesu julgamentu arguidu konfesa faktu sira ne'ebé akuza ba nia no deklarata katak tempu ne'eba nia ho nia alin feto mesak iha uma refere no istori malu too lezada duni arguidu no arguidu mós duni lezada. Enkuantu, lezada kontinua mantein ba faktus sira ne'ebé deskreve ona iha akuzasaun ministériu públiku nian.

Iha alegasaun finál, ministériu publikú husu ba tribunál atu aplika pena prizaun fulan 6 suspende ba tinan 1 fulan 6. Entretantu, defeza argumentu katak arguidu konfesa no hatudu arependimentu ba ninia hahalok, tanba ne'e husu ba tribunál atu aplika pena ne'ebé justu tuir arguidu nia kulpa.

Depois rona tiha alegasaun finál, tribunál konklui kedas nia prosesu ne'e no kondena arguidu ho pena prizaun fulan 9 suspende ba tinan 1.

18. Kazu krime ofensa ba integridade fízika simples ho natureza violénsia doméstika - Nú. Prosesu : 192/krime/2014/TDO

Kompozisaun Tribunál : Singulár
Juis : Dr. João Ribeiro
Ministériu Públiku : Dr. Ambrosio Rangel Freitas
Defeza : Dr. Afonso F. Gomes
Konkluzau : Kondena ho pena prizaun fulan 4 suspende ba tinan 1

Iha 15 Outubru 2014, Tribunál Distritál Oe-Cusse julga arguidu FS ne'ebé komete krime ofensa ba integridade fízika simples hasoru RA nu'udar feen. Kazu ne'e akontese iha 08 Outubru 2014, iha Sub-distritu Nitibe, Distritu Oe-Cusse.

Ministériu Públiku akuza katak iha 08 Outubru 2014, arguidu riba lezada tun ba rai dala rua no kauza lezada nia lipa mós monu to'o lezada isin-molik. Kazu ne'e akontese tanba lezada ho arguidu istori malu kona-ba lezada seidauk tein.

Ministériu Públiku akuza arguidu kontra artigu 145 Kódigu Penál kona-ba ofensa ba integridade fízika simples konjuga ho artigu 35 Lei Kontra Violénsia Doméstika.

Iha prosesu julgamentu arguidu konfesa faktu sira ne'ebé akuza ba nia no deklarata katak nia arrepende ba ninia hahalok.

Iha alegasaun finál, ministériu publikú husu ba tribunál atu kondena arguidu ho pena prizaun fulan 6 suspende ba tinan 1 fulan 6. Entretantu, defeza husu ba tribunál atu aplika pena ne'ebé adekuaudu tuir arguidu nia kulpa bazeia ba sirkunstansia atenuante sira hanesan arguidu konfesa faktus no hatudu nia arependimentu.

Bazeia ba faktu sira ne'ebé produz durante julgamentu, tribunál konklui kedas prosesu ne'e no kondena arguidu ho pena prizaun fulan 4 suspende ba tinan 1.

19. Kazu krime ofensa ba integridade fízika simples ho natureza violénsia doméstika - Nú. Prosesu : 177/krime/2014/TDO

Kompozisaun Tribunál : Singulár
Juis : Dr. João Ribeiro
Ministériu públiku : Dr. Amrosio Rangel Freitas
Defeza : Dr. Afonso F. Gomes
Konkluzau : Kondena ho pena prizaun fulan 4 suspende ba tinan 1

Iha 15 Outubru 2014, Tribunál Distritál Oe-Cusse julga arguidu AV ne'ebé komete krime ofensa ba integridade fízika simples hasoru RL nu'udar nia feen. Kazu ne'e akontese iha 15 Maiu 2014, iha Sub-distritu, Pante-Makassar, Distritu Oe-Cusse.

Ministériu Públiku akuza katak iha 15 Maiu 2014, arguidu tebe dala ida iha lezada nia kanotak no rezulta lezada sofre moras. Kazu ne'e akontese tanba arguidu hola telefone Telemor ida hosi osan fa'an sasan kios iha merkadu. Tanba ne'e lezada hirus arguidu no diskuti malu to'o ikus arguidu baku lezada.

Ministériu Públiku akuza arguidu kontra artigu 145 Kódigu Penál kona-ba ofensa ba integridade fízika simples konjuga ho artigu 35 Lei Kontra Violénsia Doméstika.

Iha prosesu julgamentu arguidu konfesa katak nia komete duni krime ne'ebé ministériu públiku akuza hasoru nia no deklarata katak nia arrende ninia hahalok.

Iha alegasaun finál, ministériu publikú husu ba tribunál atu kondena arguidu ho pena prizaun fulan 3 suspende ba fulan 6 maske arguidu tama ona ba terxeira idade. Entretantu, defeza husu ba tribunál atu aplika pena ne'ebé adekuaudu tuir arguidu nia kulpa tanba arguidu konfesa no hatudu nia arependimentu ba hahalok ne'ebé nia komete.

Bazeia ba prosesu hirak ne'e, tribunál konklui kedas prosesu ne'e no kondena arguidu ho pena prizaun fulan 4 suspende ba tinan 1.

20. Kazu krime kondusaun sem karta - Nú. Prosesu : 06/SUM/2014/TDO

Kompozisaun Tribunál	: Singulár
Juis	: Dr. João Ribeiro
Ministériu públiku	: Dr. Amrosio Rangel Freitas
Defeza	: Dr. Afonso F. Gomes
Konkluzau	: Kondena ho pena multa US\$135,00

Iha 16 Outubru 2014, Tribunál Distritál Oe-Cusse hala'o prosesu sumariu ba kazu kondusaun sem karta ne'ebé komete hosi arguidu AA, JO, NCO, DNS no DGS. Kazu ne'e akontese iha 14 Outubru 2014, iha Bairo Sonamnasi, Sub-distritu Pante-Makassar, Distritu Oe-Cusse.

Ministériu Públiku akuza katak iha 14 Outubru 2014, arguidu sira ne'e kondus motor sem karta kondusaun iha dalan públiku diresaun Sonamnasi - Merkadu Mau-mate. Arguidu sira ne'e balun hala'o atividade ojek (tula ema ho motor) maibé laiha karta kondusaun. PNTL prende arguidu sira wainhira unidade tranzitu Komando PNTL Distritu Oe-Cusse halo pasa revista iha fatin

akontesimentu no konsege detekta arguidu nain 5 ne'e laiha karta kondusaun ba motor no laiha STNK motor nian.

Ministériu Públiku akuza arguidu sira kontra artigu 207 Kódigu Penál kona-ba sem karta kondusaun.

Iha prosesu julgamentu arguidu nain lima konfesa faktus sira ne'ebé ministériu públiku akuza hasoru sira no deklarata katak arrepende sira ninia hahalok.

Iha alegasaun finál, ministériu publikú husu ba tribunál atu kondena arguidu nain lima ho pena multa tanba arguidu sira deklarata rasik katak sira laiha duni karta kondusaun no laiha STNK. Tuir ministériu públiku katak kondus iha dalan públiku sem karta kondusaun bele fó ameasa ba ema seluk ne'ebé uza mós dalan públiku.

Entretantu, defeza argumenta katak arguidu sira hatudu sira nia arependimentu no konfesa faktus sira durante prosesu tanba ne'e defeza husu pena ne'ebé justu ba tribunál.

Tribunál konklui prosesu ne'e no kondena arguidu Jacinto Oel, Nicodemos C. Oki no Damianos Sufa ho pena multa US\$75,00 ba kada arguidu. Tribunál mós aplika pena alternativa durante loraun 50 prizaun kuandu arguidu sira la selu pena multa refere.

Ba arguidu Agostinho Ase, no Domingos Sufa, tribunál kondena ho pena multa US\$60,00 ba kada arguidu. Tribunál mós aplika pena alternativa durante loraun 40 prizaun kuandu arguidu la selu pena multa refere.

21. Kazu krime ofensa ba integridade fízika simples - Nú. Prosesu : 194/krime/2014/TDO

Kompozisaun Tribunál	: Singulár
Juis	: Dr. João Ribeiro
Ministériu Públiku	: Dr. Ambrosio Rangel Freitas
Defeza	: Dr. Afonso F. Gomes
Konkluzau	: Omologu

Iha 20 Outubru 2014, Tribunál Distritál Oe-Cusse halo'o prosesu konsiliaun ba kazu krime ofensa ba integridade fízika simples ne'ebé komete hosi arguidu JS hasoru VL. Kazu ne'e akontese iha 03 Dezembru 2013, iha Bairro Quibuquif, Sub-distritu Nitibe, Distritu Oe-Cusse.

Ministériu Públiku akuza katak iha 03 Dezembru 2013, arguidu tuku dala tolu iha lezadu nia matan fukun sorin loos no tuku dala ida iha lezadu nia hirus matan no rezulta lezadu sofre

moras. Kazu ne'e akontese tanba arguidu kaer toman lezadu na'ok arguidu nia fahi iha arguidu nia uma kotuk.

Ministériu Públiku akuza arguidu kontra artigu 145 Kódigu Penál kona-ba ofensa ba integridade fízika simples.

Iha prosesu konsiliaun ne'e lezadu prontu atu dada fila fali kazu no parte rua mós konkorda atu rezolve tuir kustume Timor ninian.

Relasiona ho prosesu konsiliaun no dezitensia ne'e, iha alegasaun finál, ministériu públikú husu ba tribunál atu omologa prosesu ne'e no defeza mós konkorda ho alegasaun ne'e. Bazeia ba prosesu hirak ne'e, tribunál omologa prosesu ba kazu ne'e no absolve arguidu.

22. Kazu krime ofensa ba integridade fízika simples ho natureza violénsia doméstika - Nú. Prosesu : 198/krime/2014/TDO

Kompozisaun Tribunál	: Singulár
Juis	: Dr. João Ribeiro
Ministériu públiku	: Dr. Ambrosio Rangel Freitas
Defeza	: Dr. Calisto Tout
Konkluzau	: Kondena ho pena multa US\$90,00

Iha 21 Outubru 2014, Tribunál Distritál Oe-Cusse julga arguidu CQ ne'ebé komete krime ofensa ba integridade fízika simples hasoru JT nu'udar nia feen. Kazu ne'e akontese iha 25 Marsu 2014, iha Sub-distritu Nitibe, Distritu Oe-Cusse.

Ministériu Públiku akuza katak iha 25 Marsu 2014, arguidu tuda lezada ho tali karegador telefone no kona iha lezada nia ulun no kauza lezada hetan kanek kois iha ulun. Kazu ne'e akontese tanba lezada hamnasa wainhira arguidu monu, nune'e arguidu nervozu hodi baku lezada.

Ministériu Públiku akuza arguidu kontra artigu 145 Kódigu Penál kona-ba ofensa ba integridade fízika simples konjuga ho artigu 35 Lei Kontra Violénsia Doméstika.

Iha prosesu julgamentu arguidu konfesa faktu sira ne'ebé akuza hasoru nia no deklara katak nia arrende ba ninia hahalok.

Iha alegasaun finál, ministériu publikú husu ba tribunál atu kondena arguidu ho pena prizaun fulan 6 suspende ba tinan 1 tanba arguidu konfesa katak nia komete duni krime ne'ebé haktuir iha akuzasaun hosi ministériu públikú.

Entretantu, defeza husu ba tribunál atu konsidera sirkunstansia atenuante sira hanesan arguidu hatudu nia arependimentu, konfesa faktu ne'ebé haktuir iha akuzasaun ministériu publikú no kolabora diak ho tribunál.

Iha 30 Outubru 2014, tribunál konklui prosesu ne'e no kondena arguidu ho pena multa US\$ 90,00 ne'ebé sei selu US\$1,00 kada loron durante loron 90. Tribunál mós aplika pena alternativa durante loron 60 iha prizaun kuandu arguidu la selu pena multa ne'e.

23. Kazu krime ofensa ba integridade fízika simples - Nú. Prosesu 201/krime/2014/TDO

Kompozisaun Tribunál	: Singulár
Juis	: Dr. João Ribeiro
Ministériu Públiku	: Dr. Ambrosio Rangel Freitas
Defeza	: Dr. Calisto Tout
Konkluzau	: Omologa

Iha 21 Outubru 2014, Tribunál Distritál Oe-Cusse prezide julgamentu konsiliaun ba kazu ofensa ba integridade fízika simples ne'ebé involve arguidu AC hasoru SB. Kazu ne'e akontese iha 13 Juñu 2014, iha Bairo Maunesi, Sub-distritu Pante-Makassar, Distritu Oe-Cusse.

Ministériu Públiku akuza katak iha 13 Juñu 2014, arguidu tuku dala rua iha lezadu nia oin. Aktu ne'e rezulta lezadu nia matan sorin loos no karuk bubu no metan. Kazu ne'e akontese tanba arguidu lanu. Iha momentu ne'eba arguidu no lezadu hemu tua no hotu-hotu lanu.

Ministériu Públiku akuza arguidu kontra artigu 145 Kódigu Penál kona-ba ofensa ba integridade fízika simples.

Iha prosesu konsiliaun ne'e lezadu prontu atu dada fila fali kazu ne'e no parte rua konkorda atu resolve kazu ne'e tuir kustume kultura nian.

Iha alegasaun finál, ministériu públikú no defeza husu ba tribunál atu omologa prosesu ba kazu ne'e no absolve arguidu.

Bazeia ba pedidu dezistensia hosi lezadu no alegasaun hosi ministeriu publiku no defeza, tribunál konklui prosesu ne'e no omologa arguidu hosi akuzasaun ministériu públiku.

24. Kazu krime ofensa ba integridade fízika simples ho natureza violénsia doméstika - Nú. Prosesu : 184/krime/2014/TDO

Kompozisaun Tribunál	: Singulár
Juis	: Dr. João Ribeiro

Ministériu públiku : Dr. Ambrosio Rangel Freitas
Defeza : Dr. Calisto Tout
Konkluzau : Kondena ho pena prizaun tinan 1 fulan 6 suspende ba tinan 3

Iha 21 Outubru 2014, Tribunál Distritál Oe-Cusse julga arguidu JF ne'ebé komete krime ofensa ba integridade fízika simples hasoru RLA nu'udar feen. Kazu ne'e akontese iha 21 Outubru 2014, iha Sub-distritu Pante-Makassar, Distritu Oe-Cusse.

Ministériu Públiku akuza katak iha 21 Outubru 2014, arguidu lori xiñelus baku dala ida iha lezada nia hasan karuk, buti lezada ninia kakorok, no tuku iha hasan sorin karuk no loos. Arguidu kontinua tuku dala ida iha lezada nia matan fukun no kauza rezulta lezada sofre moras. Kazu ne'e akontese tanba lezada la aseita arguidu lori sira nia oan na'in rua ne'ebé sei ki'ik ba foho.

Ministériu Públiku akuza arguidu kontra artigu 145 Kódigu Penál kona-ba ofensa ba integridade fízika simples konjuga ho artigu 35 Lei Kontra Violénsia Doméstika.

Iha prosesu julgamentu arguidu konfesa faktu sira ne'ebé ministériu públiku akuza ba nia no deklarara katak nia arrende ona ninia hahalok.

Iha alegasaun finál, ministériu publikú husu ba tribunál atu kondena arguidu ho pena prizaun tinan 2 suspende ba tinan 4 tanba arguidu rekoñese katak nia komete duni krime hasoru lezada. Entretantu, parte defeza husu ba tribunál atu aplika pena ne'ebé adekuaudu ba arguidu tanba ba arguidu hatudu nia arependimentu, konfesa faktu no kolabora diak ho tribunál.

Iha 27 Outubru 2014, tribunál konklui prosesu ne'e no kondena arguidu ho pena prizaun tinan 1 fulan 6 suspende ba tinan 3.

25. Kazu krime ofensa ba integridade fízika simples ho natureza violénsia doméstika - Nú. Prosesu : 199/krime/2014/TDO

Kompozisaun Tribunál : Singulár
Juis : Dr. João Ribeiro
Ministériu Públiku : Dr. Ambrosio Rangel Freitas
Defeza : Dr. Calisto Tout
Konkluzau : Kondena ho pena prizaun tinan 2 suspende ba tinan 2

Iha 21 Outubru 2014, Tribunál Distritál Oe-Cusse julga arguidu SH ne'ebé komete krime ofensa ba integridade fízika simples hasoru HN nu'udar feen. Kazu ne'e akontese iha 07 Jullu 2014, iha Sub-distritu Oe-Silo, Distritu Oe-Cusse.

Ministériu Públiku akuza katak iha 07 Jullu 2014, arguidu basa dala ida iha lezada nia rentos, tuku iha matan fukun no tuku dala tolu iha lezada nia kotuk laran. Iha loron tuir mai (08 Jullu 2014), arguidu kontinua tebe lezada dala rua iha liman los no tebe dala ida tan iha lezada nia hirus matan no rezulta lezada sofre moras. Kazu ne'e akontese tanba lezada ho arguidu diskuti malu kona-ba oinsa atu partisipa iha prenda ida iha foho.

Ministériu Públiku akuza arguidu kontra artigu 145 Kódigu Penál kona-ba ofensa ba integridade fízika simples konjuga ho artigu 35 Lei Kontra Violénsia Doméstika.

Iha prosesu julgamentu arguidu konfesa faktu sira ne'ebé ministériu públiku akuza ba nia no deklara katak nia arrepende ba ninia hahalok.

Iha alegasaun finál, ministériu públiku husu ba tribunál atu kondena arguidu ho pena prizaun tinan 1 fulan 6 suspende ba tinan 2.

Entretantu, defeza husu ba tribunál atu aplika pena ne'ebé adekuaudu tuir arguidu nia kulpa maibé antes foti desizaun husu ba tribunál atu tetu mós sirkunstansia atenuantes sira hanesan arguidu konfesa faktus, hatudu nia arependimentu, no kolabora diak ho tribunál.

Bazeia ba prosesu no faktu sira ne'ebé produs durante julgamentu, tribunál konklui prosesu ne'e no kondena arguidu ho pena prizaun tinan 2 suspende ba tinan 2.

26. Kazu krime ofensa ba integridade fízika simples ho natureza violénsia doméstika - Nú. Prosesu : 200/krime/2014/TDO

Kompozisaun Tribunál	: Singulár
Juis	: Dr. João Ribeiro
Ministériu públiku	: Dr. Ambrosio Rangel Freitas
Defeza	: Dr. Afonso F. Gomes
Konkluzau	: Kondena ho pena multa US\$60,00

Iha 21 Outubru 2014, Tribunál Distritál Oe-Cusse julga arguidu CT ne'ebé komete krime ofensa ba integridade fízika simples hasoru FT nu'udar feen. Kazu ne'e akontese iha 13 Marsu 2014, iha Sub-distritu Pante-Makassar, Distritu Oe-Cusse.

Ministériu Públiku akuza katak iha 13 Marsu 2014, arguidu basa dala ida iha lezada nia hasan, buti iha kakorok nune'e rezulta lezada sofre moras. Kazu ne'e akontese tanba lezada ho arguidu diskuti malu kona-ba kestaun moris iha sira nia uma kain.

Ministériu Públiku akuza arguidu kontra artigu 145 Kódigu Penál kona-ba ofensa ba integridade

fízika simples konjuga ho artigu 35 Lei Kontra Violénsia Doméstika.

Iha prosesu julgamentu arguidu konfesa faktu sira ne'ebé akuza ba nia no deklara katak nia arrepende ba ninia hahalok.

Iha alegasaun finál, ministériu publikú solisita ba tribunál atu kondena arguidu ho pena multa US\$45,00 ne'ebé kada loron sei selu US\$1,00. Entretantu, defeza husu ba tribunál atu aplika pena ne'ebé justu ba arguidu tuir krime ne'ebé nia komete.

Tribunál konklui prosesu kazu ne'e no kondena arguidu ho pena multa US\$ 60,00 ne'ebé sei selu US\$1,00 kada loron durante loron 60. Tribunál mós aplika pena alternativa durante loron 40 prizaun kuandu arguidu la selu pena multa refere.

27. Kazu krime ofensa ba integridade fízika simples ho natureza violénsia doméstika - Nú. Prosesu : 202/krime/2014/TDO

Kompozisaun Tribunál	: Singulár
Juis	: Dr. João Ribeiro
Ministériu públiku	: Dr. Ambrosio Rangel Freitas
Defeza	: Dr. Afonso F. Gomes
Konkluzau	: Kondena ho pena multa US\$60,00

Iha 27 Outubru 2014, Tribunál Distritál Oe-Cusse julga arguidu AQ ne'ebé komete krime ofensa ba integridade fízika simples hasoru RTT nu'udar nia feen. Kazu ne'e akontese iha 11 Juñu 2014 ,iha Sub-distritu Pante-Makassar, Distritu Oe-Cusse.

Ministériu Públiku akuza katak iha 11 Juñu 2014, arguidu basa ho makas iha lezada nia hasan karuk dala ida, nune'e rezulta lezada sente moras. Kazu ne'e akontese tanba arguidu nervozu wainhira hare lezada rasik sae ai hale hodi ku'u nia dikin hodi halo modo.

Ministériu Públiku akuza arguidu kontra artigu 145 Kódigu Penál kona-ba ofensa ba integridade fízika simples konjuga ho artigu 35 Lei Kontra Violénsia Doméstika.

Iha prosesu julgamentu arguidu konfesa faktu sira ne'ebé akuza ba nia no deklara katak nia arrepende ba ninia hahalok.

Iha alegasaun finál, ministériu publikú husu ba tribunál atu kondena arguidu ho pena multa US\$30,00 ne'ebé sei selu US\$1,00 kada loron. Entretantu, defeza husu ba tribunál atu aplika pena ne'ebé justu ba arguidu tuir krime ne'ebé nia komete.

Tribunál konklui prosesu kazu ne'e no kondena arguidu ho pena multa US\$60,00 ne'ebé sei selu US\$1,00 kada loron durante loron 60. Tribunál mós aplika pena alternativa durante loron 40 iha prizaun kuandu arguidu la selu pena multa ne'e.

28. Kazu krime ofensa ba integridade fízika simples ho natureza violénsia doméstika - Nú. Prosesu : 203/krime/2014/TDO

Kompozisaun Tribunál : Singulár
Juis : Dr. João Ribeiro
Ministériu públiku : Dr. Ambrosio Rangel Freitas
Defeza : Dr. Calisto Tout
Konkluzaan : Kondena ho pena prizaun fulan 9 suspende ba tinan 1

Iha 27 Outubru 2014, Tribunál Distritál Oe-Cusse julga arguidu AQ ne'ebé komete krime ofensa ba integridade fízika simples hasoru FP nu'udar féen. Kazu ne'e akontese iha 29 Jullu 2014, iha Sub-distritu Oe-Silo, Distritu Oe-Cusse.

Ministériu Públiku akuza katak iha 29 Jullu 2014, arguidu tuku dala tolu iha lezada nia matan fukun no rezulta lezada nia matan bubu metan no moras. Motivu hosi akontesimentu tanba lezada tolok no bandu arguidu atu labele hemu tua demais.

Ministériu Públiku akuza arguidu kontra artigu 145 Kódigu Penál kona-ba ofensa ba integridade fízika simples konjuga ho artigu 35 Lei Kontra Violénsia Doméstika.

Iha prosesu julgamentu arguidu konfesa faktu sira ne'ebé akuza ba nia no deklara katak arrepende ba ninia hahalok.

Iha alegasaun finál, ministériu publikú solisita ba tribunál atu kondena arguidu ho pena prizaun fulan 6 suspende ba tinan 1 tanba provadu arguidu komete krime ne'ebé ministériu publikú akuza ba nia.

Entretantu, defeza argumenta katak arguidu hatudu ninia arependimentu, konfesa faktu integralmente no kolabora diak ho tribunál, tanba ne'e husu ba tribunál atu aplika suspensaun ba pena prizaun ne'ebé adekuadu.

Bazeia ba faktu no prosesu hirak ne'e, tribunál konklui prosesu kazu ne'e no kondena arguidu ho pena prizaun fulan 9 suspende ba tinan 1.

29. Kazu krime ofensa ba integridade fízika simples ho natureza violénsia doméstika - Nú. Prosesu : 205/krime/2014/TDO

Kompozisaun Tribunál : Singulár

Juis : Dr. João Ribeiro
Ministériu públiku : Dr. Ambrosio Rangel Freitas
Defeza : Dr. Afonso F. Gomes
Konkluzau : Kondena ho pena prizaun fulan 9 suspende ba tinan 1

Iha 27 Outubru 2014, Tribunál Distritál Oe-Cusse julga arguidu JT ne'ebé komete krime ofensa ba integridade fízika simples hasoru lezada MT nu'udar feen. Kazu ne'e akontese iha 01 Juñu 2014, Sub-distritu Pante-Makassar Distritu Oe-Cusse.

Ministériu Públiku akuza katak iha 01 Juñu 2014, arguidu foti kadeira masa ida baku dala tolu iha lezada nia kidun, dala ida iha lezada nia kotuk laran no dala rua iha ulun, tuku dala haat iha lezada nia rentos no dala haat iha matan fukun karuk. Aktu hirak ne'e rezulta lezada sofre moras, bubu no metan. Kazu ne'e akontese tanba lezada fanu arguidu ne'ebé sei toba ho lian makas.

Ministériu Públiku akuza arguidu kontra artigu 145 Kódigu Penál kona-ba ofensa ba integridadefízika simples konjuga ho artigu 35 Lei Kontra Violénsia Doméstika.

Iha prosesu julgamentu arguidu konfesa faktu sira ne'ebé akuza ba nia no deklarata katak nia arrende ba ninia hahalok.

Iha alegasaun finál, ministériu publikú husu ba tribunál atu kondena arguidu ho pena prizaun fulan 3 suspende ba tinan 1 bazeia ba deklarasaun hosi arguidu katak nia komete duni krime ne'e hasoru lezada. Enkuantu, defeza husu ba tribunál atu aplika ne'ebé ne'ebé justu tanba arguidu hatudu nia arendimentu, arguidu mós konfesa nia hahalok no kolabora diak ho tribunál.

Depois avalia faktu no argumentu hosi parte sira, tribunál konklui prosesu ne'e no kondena arguidu ho pena prizaun fulan 9 suspende ba tinan 1.

30. Kazu krime ofensa ba integridade fízika simples ho natureza violénsia doméstika - Nú. Prosesu : 282/krime/2014/TDO

Kompozisaun Tribunál : Singulár
Juis : Dr. João Ribeiro
Ministériu públiku : Dr. Amrosio Rangel Freitas
Defeza : Dr. Afonso F. Gomes
Konkluzau : Kondena ho pena prizaun fulan 6 suspende ba tinan 1

Iha 28 Outubru 2014, Tribunál Distritál Oe-Cusse julga arguida FMC ne'ebé komete krime ofensa ba integridade fízika simples hasoru CS nu'udar nia oan hakiak. Kazu ne'e akontese iha 03 Janeiru 2014 iha Sub-distritu Nitibe, Distritu Oe-Cusse.

Ministériu Públiku akuza katak iha 03 Janeiru 2014, arguida lori sukaer sanak ida baku iha lezada nia kotuk laran dala rua. Kazu ne'e akontese tanba lezada husu osan US\$ 0,25 atu hola lapizeira.

Ministériu Públiku akuza arguidu kontra artigu 145 Kódigu Penál kona-ba ofensa ba integridade fízika simples konjuga ho artigu 35 Lei Kontra Violénsia Doméstika.

Iha prosesu julgamentu arguida konfesa faktu sira ne'ebé akuza ba nia no deklara katak nia arrepende ninia hahalok.

Iha alegasaun finál, ministériu publikú husu ba tribunál atu aplika pena prizaun fulan 3 suspende ba tinan 1 tanba arguida ne'ebé nu'udar inan madrasta laiha responsabilidade no atendumtu diak ba lezada. Arguida mós la fo osan ba lezada atu hola lapizeira hanesan arguida nia responsabilidade maibé baku tan lezada.

Entretantu parte defeza husu ba tribunál atu antes foti desizaun presiza tetu sirkunstansia agravadu no atenuantes sira ne'ebé mak asociadu iha prosesu ne'e.

Depois avalia faktu sira ne'ebé partense ba prosesu ne'e, tribunál konklui prosesu ne'e no kondena arguida ho pena prizaun fulan 6 suspende ba tinan 1.

31. Kazu krime ofensa ba integridade fízika simples ho natureza violénsia doméstika - Nú. Prosesu : 206/krime/2014/TDO

Kompozisaun Tribunál	: Singulár
Juis	: Dr. João Ribeiro
Ministériu públiku	: Dr. Ambrosio Rangel Freitas
Defeza	: Dr. Afonso F. Gomes
Konkluzau	: Sei kontinua prosesu

Iha 28 Outubru 2014, Tribunál Distritál Oe-Cusse julga arguidu BPS ne'ebé komete krime ofensa ba integridade fízika simples hasoru FM nu'udar nia feen. Kazu ne'e akontese iha 28 Agostu 2014, iha Sub-distritu Pante-Makassar, Distritu Oe-Cusse.

Ministériu Públiku akuza katak iha 28 Agostu 2014, arguidu basa dala ida iha lezada nia hasan karuk no tebe dala ida iha kanotak no rezulta lezada sofre moras. Kazu ne'e akontese tanba lezada ho arguidu istori malu kona-ba nesesidade uma laran nian.

Ministériu Públiku akuza arguidu kontra artigu 145 Kódigu Penál kona-ba ofensa ba integridade fízika simples konjuga ho artigu 35 Lei Kontra Violénsia Doméstika.

Iha prosesu julgamentu arguidu konfesa faktu sira ne'ebé akuza ba nia no deklarata katak nia arrende ba ninia hahalok. Mesmu arguidu konfesa ninia hahalok maibé ministériu públiku nafatin hakarak rona deklarasaun hosi lezada no depoimentu hosi testemuña sira.

Relasiona ho pedidu ne'e, tribunál marka fila fali prosesu julgamentu kontinuasaun ba iha 10 Novembru 2014. tuku 10:00 dader ho agenda rona deklarasaun hosi lezada no depoimentus hosi testemuña.

Sumariu kazu ida ne'e bele imprimi tan ho apoiu jenerozu husi povu Amerikanu liu husi Ajensia Estadus Unidus ba Dezenvolvimentu Internasionál (USAID) bazeia ba Akordu Kooperasaun ho Númeru AID-486-A-13-00007 ba programa Ba Distrito iha Timor-Leste, ne'ebe nia implementasaun lidera husi Ajensia Counterpart International ho nia parseiru sira. JSMP mak responsabiliza tomak ba konteudu no hanoin iha kommunikadu impresna ida ne'e nia laran no la nesesariamente refleta USAID ka Governu Estadus Unidus Amerikanu nia opiniaun".

Atu hetan informasaun kompleitu, favor kontaktu:

Luis de Oliveira Sampaio

Diretór Ezekutivu JSMP

Diresaun e-mail: luis@jsmp.minihub.org

info@jsmp.minihub.org

Telefone: 3323883 | 77295795

Website: www.jsmp.tl

Face book: www.facebook.com/timorleste.jsmp

Twitter: @JSMPt